

2022年第四屆尋鷗吟詩獎 鷗社藝苑指定詩暨兒青組自選詩

一、兒青組自選詩參考詩集

參賽者為國小、國中在校生團隊可以參酌嘉義作家詩集擇一首自選詩，自選詩主要以諸羅人文地景產為詩題，指定詩從鷗社藝苑選擇一首參加決賽。以臺語吟唱為主，自選詩/指定詩應於報名表內註明出處，並請忠於原著精神。自選詩建議詩選。詩集如列：

- (1) 韓滿《酒蜜 100》，2017。
- (2) 林錦花《詩情話義(一)》，2019；《詩情話義(二)》，2020。
- (3) 顧德莎《我佇黃昏的水邊等你》，2019。
- (4) 林央敏《家鄉即景詩》，2017。

二、鷗社藝苑指定詩

(a)古典詩文人調組(b)古典詩新唱組(c)現代詩組(d)兒青組，參賽者只限選擇一組報名。以上參賽者皆需在網路報名中選擇下列鷗社藝苑指定詩一首，與自創詩「諸羅二通產業文化」一首。

(一)、祝鷗社成立詩 8月6日下午13:20-15:20 樸雅吟社黃哲永老師吟唱教學

- 1、贈柏舟君 方輝龍(梅魂) 《鷗社藝苑初集[1951]》11頁
名山事業有輝光。藝苑群鷗聚一堂。從此騷壇留不朽。紀功贏得署秋航。
- 2、次社友賴巽章原韻 方輝龍(梅魂) 《鷗社藝苑三集[1954]》230頁
忘機鷗鷺盡登堂。鉢擊詩催景未荒。一角諸羅別天地。好花佳果滿園香。
- 3、慶祝鷗社秋季大會 黃文陶 《鷗社藝苑初集[1951]》69頁
秋色平分桂子香。零星紅葉報新涼。良朋雅集歡何似。名士聯吟樂更融。
李杜風騷憑繼起。鄭文氣魄藉宣揚。恭逢勝會衷心祝。喚醒睡獅振紀綱。
- 4、祝鷗社創立五週年 張李德和(連玉) 《鷗社藝苑初集[1951]》18頁
聲振東寧氣象豪。山鍾靈秀鎬諸羅。祝筵宏啟符天數。砥柱中流發浩歌。
- 5、梅圃詞兄過訪喜賦 黃 鑑塘 《鷗社藝苑次集[1953]》108頁
久別相逢喜氣生，得閑重敘舊鷗盟。莫辭少坐烹茶飲，寸晷傾來萬斛情。
- 6、鷗社台北分社成立呈諸君子 方輝龍(梅魂) 《鷗社藝苑次集[1953]》29頁
鷗鷺分飛自北南。乾坤俯仰又何慚。水雲盡是忘機地。詩咏他鄉興愈酣。

(二)、諸羅地景詩 8月6日下午13:20-15:20 樸雅吟社黃哲永老師吟唱教學

1、羅山絕句 方梅魂 (輝龍) 《鷗社藝苑初集[1951]》 169頁
海濱鄒魯古諸羅。文物豐饒地不頗。大義成名吳鳳在。千秋阿里尚蕃歌。

2、題淡香園吟草 方梅魂 (輝龍) 《鷗社藝苑次集[1953]》 107頁
三代文光繼一枝。風流韻藻足吾師。淡香園草同人集。文獻諸羅豹有皮。

3、遊公園 方梅魂 (輝龍)
嵐光樹色鬱青蔥，藉避塵囂徑可通。到此已無私覆載，始知天下盡為公。

4、諸羅曉望 陳韻絃 《鷗社藝苑初集[1951]》 55頁
寥落零星數點天。亂山徐吐翠橫前。蘭潭斜泛銀波月。檜沼空浮碧水煙。
一片燒荒憐曙色。幾叢疏影映晨鮮。彌陀寺遠鐘聲近。起舞誰人祖遜先。

5、公園雨霽 賴子清 《鷗社藝苑初集[1951]》 38頁
異卉奇花映霽巒。茅亭倒浸夕陽灘。半村半郭遊忘倦。宜雨宜晴興未闌。
祠祀王樓崇得祿。勳銘碑石紀康安。風光史跡稱雙絕。曳杖尋詩耐久看。

7、林場風清 賴惠川
習習輕吹未覺寒。徘徊畦畔愛衣單。場開異境培佳樹。地接公園縱大觀。
花信往來香暗逗。波光淡蕩水微瀾。願君兩袖飄飄去。好待珍材後日看。

8、過鷺橋 黃水文 《鷗社藝苑初集[1951]》 118頁
如虹倒影水悠悠。鷺篆寒沙映細流。一桁橫斜排雁齒。連山兀突屹獅頭。
鐘聲遠逗彌陀古。楓葉輕飄夕照秋。是處輪蹄蒙利涉。諸羅勝蹟此長留。

9、橡苑聽鶯 張李德和
森然橡木勢凌霄。斗酒雙柑雅興飄。嚶嚶遷喬情自逸。交交出谷景偏饒。
涼陰三夏宜騷客。膏澤千畦潤穀苗。回首荷香憐寂寞。倚筇營址惹魂銷。

10、彌陀曉鐘 林玉書
一聲聲響出空門。恰值東山未上暎。春老醉鄉人尚夢。煙迷苦海佛無言。
大鳴久徹三千界。逸韻猶傳二八村。不憚頻敲慈是念。問渠曾醒幾幽魂。

(三)、四季節氣詩 7月16日(六) 13:20-15:20 玉山吟社邱瑞寅老師吟唱教學

1、立春 癸巳立春日寄惠川 林荻洲 《鷗社藝苑次集[1953]》 107 頁
朝來生意動河山。轉覺驚心歲已殘。綵勝金幡羞白髮。芹芽蘆菹薦春盤。
池冰未泮痕添綠。地脈先回氣尚寒。不入諸羅纔幾日。相逢又要隔年看。

- 2、春柳 方梅魂 《鷗社藝苑初集[1951]》 120 頁
樓頭翠染短長條。細眼窺人意亦嬌。二月東風偏作態。憐卿輕易舞纖腰。
- 3、驚蟄 意園春夜 黃鑑塘 《鷗社藝苑初集[1951]》 18 頁
滿園花卉集群英。皓魄當空夜景明。我自雲霄頻遠望。春雷驚蟄起蟲鳴。
- 4、清明 暮春偶成 朱芾亭 《鷗社藝苑初集[1951]》 19 頁
久雨將晴更未晴。蕭然興味過清明。近來詩思如春草。不向行人多處生。
- 5、立夏 竹枝詞 賴惠川 《鷗社藝苑四集[1955]》 92 頁
今年立夏麥盈郊。乍覺薰風陣陣交。為愛兒孫肥且白。令伊飽喫麵和匏。
- 6、小滿（麥秋至）初夏 賴柏舟 《鷗社藝苑四集[1955]》 52 頁
雨過風翻麥浪流。綠楊深處一蟬幽。葵花乍覺心傾日。已有蜻蜓立上頭。
- 7、芒種（腐草為螢）螢火林嫩葉 《鷗社藝苑次集[1953]》 128 頁
點點微光過小亭。花陰深處亂明星。飛飛不藉焚膏力。曾照寒窗十載經。
- 8、夏至 湯婆 鄭啓諒 《鷗社藝苑三集[1954]》 73 頁
靜坐床頭不治庖。溫情熱意助推敲。雖然奪寵無人妬。夏至春歸未忍拋。
- 9、大暑（大雨時行）蕉陰 方梅魂 《鷗社藝苑次集[1953]》 4 頁
滴雨搖風裊綠煙。丹心舒捲小窗前。蔚藍深處新開闢。惠蔭重重羨葛天。
- 10、立秋（寒蟬鳴）老蟬 方梅魂 《鷗社藝苑初集[1951]》 150 頁
經霜抱樹尚吟風。秋老空山夕照紅。憐汝無人信高潔。龍鍾哀咽漢宮中。
- 11、寒露 菊花 方梅魂 《鷗社藝苑三集[1954]》 53 頁
東籬點綴好秋光。三徑花開朵朵黃。獨殿群芳甘耐冷。孤高晚節放重陽。
- 12、立冬 早梅 德模 《鷗社藝苑初集[1951]》 167 頁
小春庾嶺雪重重。孤放南枝乍立冬。漫說孤芳成獨賞。堅貞還有後彫松。
- 13、小寒 花信 張篁嵐 《鷗社藝苑初集[1951]》 131 頁
小寒過後日初晴。春到人間淑氣生。萬里東風偏送暖。滿園桃李笑相迎。
- 14、大寒 典衣 方梅魂 《鷗社藝苑初集[1951]》 36 頁
傾囊搜篋儘風流。典盡春衣換敝裘。漸不能償休問贖。醉餘天地百無憂。

(四)、茶 詩 8月6日下午15:30-17:30 臺灣瀛社詩學會吳秀真副理事長吟唱教學

1、春茶 蕭清柱

嫩綠新芽植滿山，石泉金鼎自幽閒。一杯香液愁堪療，餘韻長留舌本閒。

2、春茶 林嫩葉

艷陽天氣遍塵寰，兩腋清風足自閒。我與盧仝同嗜癖，紗窗七碗始開顏。

3、迎菊 蔡自明 《鷗社藝苑初集[1951]》 168 頁

款客東籬互唱酬，烹茶煮酒醉初秋。癡情一樣淵明癖，為迓黃花令宰休。

4、自題抱水室 朱芾亭 《鷗社藝苑次集[1953]》 6 頁

花影侵窗日腳斜，一爐文火煮春茶。晚來註罷傷寒論，獨立燈前聽乳鴉。

5、山中雜詠 黃啟棠 《鷗社藝苑次集[1953]》 92 頁

足步岩花蹬，筇分野草堆。尋詩欣跋涉，採藥喜徘徊。
石筍崖中立，茶苗嶺上栽。佳人時遇見，彷彿入天台。

6、春茶 鄭啓諒（小遊仙） 《鷗社藝苑三集[1954]》 91 頁

龍芽嫩出武彝山，一陣春風得意閒。好潤詩腸珠玉滾，芳名雅列狀元班。

7、春茶 林梅圃 《鷗社藝苑三集[1954]》 91 頁

新芽雀舌長春間，兩腋生風渴不患。沁入心脾神氣爽，清香我愛鷓鴣斑。

8、遊槎圃故址 蔡堃元 《鷗社藝苑三集[1954]》 5 頁

老槎槎枒勢接天，綠陰深處聽鳴蟬。茶餘領略蕭閑趣，一圃風清月正圓。

9、淡香園雜詠 賴柏舟 《鷗社藝苑四集[1955]》 105 頁

槐火青時蟹眼浮，春茶餘韻一杯收。年來漸覺詩心倦，除卻看花懶下樓。

10、六十步林友笛君書懷韻 七言絕句 賴惠川 《鷗社藝苑次集[1953]》 117頁

閒庭拾葉煮春茶。依舊紅開劫後花。習靜直教同煉士。耽吟未必是詩家。

11、花茶 七言絕句 賴鶴洲 《鷗社藝苑四集[1955]》 122頁

茉莉同薰妙入微。臺茶風味世應稀。香留舌本風生腋。七碗盧仝願未違。

12、春茶 七言絕句 張登雲 《鷗社藝苑三集[1954]》 91頁

高低綠葉滿文山。入座清芬薄醉間。最是新芽香暗逗。風生兩腋渴都刪。